

# 12 visitas imprescindibles en VILALBA

## 9 Cruceiros de Vilalba

Mestra dos canteiros nos atrios das igrejas e cruceiros, como o de Lanzán (Tardade), exemplo máis destacado dos cruceiros chairegos e unha das cruces máis decoradas de Galicia.

## 10 Liga Santaballea

Escola Habaneira de principios do s.XX, cun pequeno museo que recrea o antigo centro educativo e xardín botánico con especies autóctonas galegas e cubanas.

## 11 Feiras e Festas

A feira mensual, o feirón e as festas patronais de San Ramón e Santa María son tan só algunhas das numerosas celebracións para non perderse na vista a Vilalba.

## 12 Gastronomía local

Vilalba ofrece unha gastronomía propia e singular na que destacan os seus tres produtos máis típicos: o queixo D.O.P. San Simón da Costa, a I.X.P. Capón de Vilalba e o Roscón de Vilalba.

## 5 A Madalena

En Mournez, área de recreo de 3 hectáreas á beira do río A Madalena, con praia fluvial e zona axardinada para o descanso, nunha contorna de vexetación autóctona.

## 6 Paseo fluvial e literario

Singular percorrido polo río Madalena desde o Muirno do Rahego ata a Fonte dos Freires mesturando natureza e arte, con hectómetros literarios adicados a artistas ilustres da zona.

## 7 Monte Monseivane

Con 929m de altitude é o pico máis alto da Serra da Carba. Excelente mirador natural no que gozar dunha estendida panorámica da planicie que conforma A Terra Chá.

## 8 Charca do Alligal

En Codesido, aramada poza de augas termais convertida en piscina que se emprega nun bello enclave natural rodeado de bidueiros.

## 1 Camiño Norte

O Camiño entra pola Pontevella de Martiñán (Corbel, s.XVII) e percorre o centro histórico da vila ata a Ponte de Saa (Insua), para logo seguir cara Guitiriz e Baamonde.

## 2 Torre de Andrade

Dentro do centro histórico vilabés destaca a antiga Torre do Homaxe do Castelo de Andrade (orixinal do s.XIII) de 40m de altura e pranta octogonal, única en Galicia. Actualmente Parador Nacional de Turismo.

## 3 Museo de Prehistoria e Arqueoloxía

En Vilalba, exposición permanente cun percorrido educativo sobre a Prehistoria e a Historia Antiga de Galicia, donde o Paleolítico ata a época Romana.


## 4 Pena Grande

En Santaballa, xacemento paleolítico máis importante e monumental de Galicia, onde acampaban grupos de cazadores nómades.

[www.terrachanturalmente.org](http://www.terrachanturalmente.org)



O GDR TERRA CHÁ integra e representa a axentes territoriais, institucionais, sociais e económicos públicos e privados, interesados en promover o desenvolvemento no seu territorio, que abrangue 10 concellos: **Abadín, Begonte, Castro de Rei, Cospeito, Guitiriz, Muras, A Pastoriza, Riotorto, Vilalba e Xermade.**



ASOCIACIÓN DE DESENVOLVEMENTO COMARCAL DA TERRA CHÁ  
C/ Carmiña Prieto Rouco, s/n. VILALBA 27800 Lugo  
TEL +34 982 523 013 | +34 982 512 369 | [terrachanturalmente@gmail.com](mailto:terrachanturalmente@gmail.com)

# VILALBA

Descubre a Terra Chá...  
*Natural...mente!*



# Concello de Vilalba



## Concello de Vilalba

Vilalba é a capital da comarca da Terra Chá, a comarca natural máis ampla e plana de Galicia e situada no centro da provincia de Lugo.

Con máis de 15.000 habitantes e unha extensión de 379 km<sup>2</sup>, repartidos en 29 parroquias máis o centro urbano da vila, Vilalba limita cos concellos de Abadín, Cospeito, Begonte, Guitiriz, Xermade e Muras.

Pola súa ubicación, Vilalba representa un importante nó de comunicacións no que se cruzan varias vías. A súa **localización estratéxica** e as súas excelentes comunicacións convértena no destino perfecto para explorar o municipio, a comarca e a zona norte de Galicia.



### O importante está no interior

O Concello de Vilalba conta con numerosos **restos arqueolóxicos** repartidos por todo o termo municipal. O Museo de Prehistoria e Arqueoloxía de Vilalba é un dos puntos de obrigada visita na vila. A través da súa exposición permanente amosa un percorrido ameno e didáctico pola Prehistoria e a Historia Antiga de Galicia. A través da Ruta Arqueolóxica únense os vestixios máis significativos, destacando o abrigo do Paleolítico da Pena Grande, o menhir Pedrachantada e a necrópole do Neolítico Roza das Modias, entre outros lugares de interese patrimonial.

O queixo D.O.P. San Simón da Costa, I.X.P. Capón de Vilalba e o roscón de Vilalba son os produtos máis representativos da afamada **gastronomía vilalbesa**. A carne de vacún e de porco xunto cos seus derivados, os grelos, as patacas, as empanadas e o pan, o polbo á feira e as roscas de San Ramón son outros dos moitos manxares que completan a oferta gastronómica local.

Vilalba é moi animada e dinámica e acolle unha gran diversidade de **celebracións**, como a feira mensual, o feirón e as festas patronais de San Ramón e Santa María; eventos como o FIV (Festival Independente de Vilalba) ou o Certame Literario; e feiras gastronómicas propias como as do Capón e do Queixo San Simón da Costa.

### Camiño Norte de Santiago

Recoñecido pola UNESCO como Patrimonio da Humanidade, o Camiño Norte de Santiago percorre de noroeste a sudeste a comarca da Terra Chá, cruzando os concellos de Abadín, Vilalba, Guitiriz e Begonte.

O Camiño Norte procede da cornixa cantábrica, sendo un dos camiños primitivos astur-galaicos transitados polos peregrinos europeos. Entra en terras luguesas por Ribadeo e continúa trazando un itinerario do que cinco etapas discorren integramente pola provincia de Lugo, con finais en Lourenzá, Abadín, Vilalba e Baamonde, a través de fermosos paisaxes naturais e visitando destacados lugares de interese histórico-artístico. Desde aquí o Camiño segue por terras de Guitiriz e Friol cara Sobrado dos Monxes.

O **Camiño Norte de Santiago** conta con dúas etapas que atravesan o noso municipio cun tramo final da etapa Abadín-Vilalba e o comezo da seguinte etapa de Vilalba-Baamonde. Ao seu paso por Vilalba, o Camiño amosa as nosas paraxes naturais, patrimonios culturais, os cemiterios neogóticos, cruceiros e pontes históricas.

### Festas de interese

**Feira mensual.** Vilalba (1º domingo mes que non sexa día 1)

**Feirón.** Vilalba (3º martes de mes)

**Festival Independente de Vilalba (FIV).** Vilalba (última fin semana abril)

**Feira do Queixo San Simón da Costa.** Vilalba (1ª fin semana abril)

**Feira do Capón.** Vilalba (antes da noiteboa)

**Feira de Artesanía.** Vilalba (1ª fin semana maio)

**Feira do Libro Vilalé.** Vilalba (1ª fin semana xuño)

**Certame Literario.** Vilalba (30 agosto)

**Festas Patronais San Ramón e Santa María.** Vilalba (31 agosto e 1 setembro)

**Xira Campestre e Xira da Terceira Idade.** Área Recreativa A Madalena (agosto)

**Feira do Indiano.** Santaballa (mediados setembro)

**Tasca do Liño.** Insua (último sábado outubro)

### Patrimonio natural e cultural

**Camiño Norte de Santiago.** Etapas de Abadín a Vilalba e de Vilalba a Baamonde

**Área Recreativa da Madalena.** Vilalba

**Paseo fluvial e literario do río Madalena.** Vilalba

**Charca do Alligal.** Codesido

**Monte Monseivane.** San Simón da Costa

**Museo de Prehistoria e Arqueoloxía.** Vilalba

**Ruta arqueolóxica Pena Grande.** Santaballa

**Torre dos Andrade e Centro Histórico.** Vilalba

**Praza e Igrexa de Santa María.** Vilalba

**Capela de San Roque.** Vilalba

**Liga Santaballeza.** Santaballa

**Pena Grande.** Santaballa

**Roza das Modias.** Alba

**Cruceiro de Lanzán.** Tardade

**Cruceiro do Calvario.** Vilalba

**Cruceiro dos Catro Camiños.** Vilalba

**Ponteveilla de Martiñán.** Corbelle

**Cemiterio Neogótico.** Goiriz

**Cemiterio Neogótico.** Alba

**Ponte de Saa.** Insua

### Reserva da Biosfera Terras do Miño

Esta Reserva representa o complexo de humedais máis importantes para a conservación da biodiversidade do suroeste de Europa. É unha das reservas naturais de maior superficie de España e a máis grande de Galicia. As súas 363.668,9 hectáreas abranguen o corenta por cento da provincia de Lugo, incluíndo a 26 concellos, entre os que se atopan os 10 concellos da Asociación de Desenvolvemento Comarcal da Terra Chá.